

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10 i 3/23) i člana 25. i 46. Zakona o izvršavanju Budžeta Zeničko-dobojskog kantona za 2024. godinu („Službene novine Zeničko-dobojskog kantona”, broj: 21/23), na prijedlog Ministarstva unutrašnjih poslova - Uprava policije, Vlada Zeničko-dobojskog kantona, na 15. sjednici, održanoj dana 02.02.2024. godine, d o n o s i

ODLUKU

**o usvajanju Programa utroška sredstava pod nazivom
„Program kapitalnih ulaganja Ministarstva unutrašnjih poslova - Uprava policije,
za 2024. godinu, sa pozicije - Nabavka opreme” budžetska sredstva Izvor 10**

Član 1.

(Predmet)

Usvaja se Program utroška sredstava pod nazivom „Program kapitalnih ulaganja Ministarstva unutrašnjih poslova - Uprava policije za 2024. godinu, sa pozicije - Nabavka opreme”, razdjel 15, budžetska organizacija 02, potrošačka jedinica 0001, ekonomski kod 821 300, pozicija „Nabavka opreme” u iznosu od 2.556.118,00 KM (slovima: dvamilionapetstotinapedesetšesthiljada stotinuosamnaest konvertibilnih maraka) i čini sastavni dio ove odluke.

Član 2.

(Način realizacije sredstava)

Sredstva iz člana 1. ove odluke realizovat će se isključivo u skladu sa realizacijom ostvarenih javnih prihoda u Budžetu Kantona, planovima novčanih tokova Budžeta Zeničko-dobojskog kantona, te mjesečnim i kvartalnim operativnim planovima izvršenja Budžeta odobrenim od strane Ministarstva finansija Zeničko-dobojskog kantona, osim u izuzetnim slučajevima odobrenim posebnim aktima Vlade Kantona.

Član 3.

(Realizacija odluke)

Za realizaciju ove odluke zadužuje se Ministarstvo unutrašnjih poslova - Uprava policije i Ministarstvo finansija, svako u okviru svojih nadležnosti.

Član 4.

(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona”.

PREMIJER

Broj: 02-11-2250/24

Datum, 02.02.2024. godine

Z e n i c a

Nezir Pivić

DOSTAVLJENO:

1x Ministarstvo unutrašnjih poslova,

1x Uprava policije, putem Ministarstva unutrašnjih poslova,

1x Ministarstvo finansija,

1x „Službene novine Zeničko-dobojskog kantona“,

1x a/a.

P R O G R A M
utroška sredstava pod nazivom
„Program kapitalnih ulaganja Ministarstva unutrašnjih poslova - Uprava policije za
2024. godinu, sa pozicije - Nabavka opreme” budžetska sredstva Izvor 10

Član 1.
(Predmet)

Naziv programa: „Program kapitalnih ulaganja Ministarstva unutrašnjih poslova - Uprava policije za 2024. godinu, sa pozicije – Nabavka opreme” – budžetska sredstva Izvor 10.

Svrha programa: Nabavka opreme radi unapređenja rada svih organizacionih jedinica Ministarstva unutrašnjih poslova - Uprava policije (vozila za privođenje lica, putničkih policijskih vozila, stacioniranog radara na području Grada Visoko, alkometara, pištolja, pušaka, baterijskih lampi, mobilnih radara, aparata za izradu fotografija, fotoaparata, računara i druge opreme, printera, kopir aparata, klima, digitalnih vaga, kancelarijskog namještaja, usisivača i drugih električnih uređaja, opreme za elektronsko testiranje, repetitora, ručnih i fiksni radio stanica, mini akcionih kamera, video nadzora na području PS Kakanj i PS Visoko).

Visina sredstava: 2.556.118,00 KM.

Izvori finansiranja: Budžet Zeničko-dobojskog kantona za 2024. godinu.

Kriteriji utroška sredstava: Kriteriji će biti utvrđeni u skladu sa Zakonom o javnim nabavkama (Službeni glasnik BiH, broj: 39/14 i 59/22), usvojenim planom javnih nabavki Uprave policije Ministarstva unutrašnjih poslova Zeničko-dobojskog kantona za 2024. godinu i pozitivnim zakonskim propisima, a kako je prikazano po projektu u programu (član 2.).

Kategorija korisnika sredstava: Korisnik sredstava je Uprava policije Ministarstva unutrašnjih poslova Zeničko-dobojskog kantona.

Način izvještavanja: Ministarstvo unutrašnjih poslova Zeničko-dobojskog kantona - Uprava policije dostavlja Izvještaj o utrošku sredstava.

Rokovi izvještavanja: O utrošku sredstava po ovom Programu, Ministarstvo unutrašnjih poslova Zeničko-dobojskog kantona - Uprava policije, polugodišnje izvještava Vladu Kantona.

Član 2.
(Naziv projekta)

Pojedinačna nabavka opreme iz člana 1. ovog Programa će se vršiti prema nazivu projekta, u okviru planiranih sredstava, kako je navedeno u tabeli:

NAZIV PROJEKTA	PLANIRANA SREDSTVA U KM
OPREMA	
- Vozila za privođenje lica	267.000,00
- Putnička policijska vozila	351.000,00
- Stacionirani radar na području Grada Visoko	252.000,00
- Alkometri	65.520,00
- Pištolji	469.400,00
- Puške	521.500,00
- Baterijske lampe	81.000,00
- Mobilni radari	65.000,00
- Aparat za izradu fotografija	15.000,00
- Fotoaparati	31.500,00
- Računari i monitori i drugo	67.400,00
- Laptopi	3.000,00
- Fax uređaji i skener	2.700,00
- Telefoni	900,00
- Printeri	19.500,00
- Kopir aparati	12.500,00

- Klima uređaji	24.000,00
- Digitalne precizne vage	9.000,00
- Kancelarijske stolice	43.400,00
- Kancelarijski stolovi sa kasetom	3.600,00
- Metalne police	8.000,00
- Usisivači, robot usisivač i drugi električni uređaji	14.198,00
- Oprema za elektronsko testiranje (softver, dva servera, snimač, kamere, računari, stolovi i dr)	107.000,00
- Repetitor	16.380,00
- Ručne radio stanice	25.770,00
- Fiksne radio stanice	7.850,00
- Mini akcione kamere i dr.	12.000,00
- Video nadzor PS Kakanj i PS Visoko	60.000,00
U K U P N O:	2.556.118,00

Član 3. (Izvor sredstava)

Sredstva iz člana 1. ovog Programa isplatit će se iz Budžeta Zeničko-dobojskog kantona za 2024. godinu („Službene novine Zeničko-dobojskog kantona”, broj: 21/23), razdjel 15, budžetska organizacija 02, potrošačka jedinica 0001, ekonomski kod 821 300, pozicija „Nabavka opreme” i iz dijela sredstava primljenih tekućih transfera Vlade Federacije Bosne i Hercegovine (potpore iz Budžeta Vlade Federacije Bosne i Hercegovine) u skladu sa Odlukom koju donosi Vlada Zeničko-dobojskog kantona o visini i namjeni utroška sredstava.

Član 4. (Realizacija)

Za realizaciju ovog Programa zadužuje se Ministarstvo unutrašnjih poslova Zeničko-dobojskog kantona - Uprava policije i Ministarstvo finansija Zeničko-dobojskog kantona, svako u okviru svojih nadležnosti, a sve u skladu sa mjesečnim i kvartalnim operativnim planovima izvršenja Budžeta odobrenim od strane Ministarstva finansija Zeničko-dobojskog kantona.

PREMIJER

Broj: 02-11-2250/24

Datum, 02.02.2024. godine

Z e n i c a

Nezir Pivić

DOSTAVLJENO:

1x Ministarstvo unutrašnjih poslova,

1x Uprava policije, putem Ministarstva unutrašnjih poslova,

1x Ministarstvo finansija,

1x „Službene novine Zeničko-dobojskog kantona“,

1x a/a.